



1434/25

06/13  
Lerdicinski

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), člana 57. stav (8) Zakona o izvršavanju Budžeta Unsko-sanskog kantona za 2025. godinu („Službeni glasnik Unsko-sanskog kantona“, broj 1/25), na prijedlog Ministarstva privrede, Vlada Unsko-sanskog kantona na 71. sjednici, održanoj dana 19.9.2025. godine, d o n o s i

**ODLUKU**  
**O KRITERIJIMA I POSTUPKU DODJELE SREDSTAVA ODOBRENIH**  
**U BUDŽETU UNSKO-SANSKOG KANTONA ZA 2025. GODINU**  
**PUTEM MINISTARSTVA PRIVREDE SA POZICIJE KAPITALNI GRANTOVI**  
**DRUGIM NIVOIMA VLASTI-OBLAST TURIZMA**

**Član 1.**

(Predmet)

Ovom Odlukom utvrđuju se kriteriji i postupak dodjele budžetskih sredstava (u daljnjem tekstu: sredstva) odobrenih u Budžetu Unsko-sanskog kantona za 2025. godinu putem Ministarstva privrede (u daljnjem tekstu: Ministarstvo) sa pozicije Kapitalni grantovi drugim nivoima vlasti i fondovima-oblast turizma, cilj, sredstva za implementaciju, pravo učešća i namjena utroška sredstava, kriteriji za raspodjelu sredstava, prijava na javni poziv, način podnošenja prijave, obrada prijave i raspodjela sredstava, ugovor o dodjeli sredstava i rok za implementaciju, izvještavanje o utrošku sredstava te stupanje na snagu.

**Član 2.**

(Cilj)

Cilj Odluke je pružanje podrške gradovima/općinama na području Unsko-sanskog kantona (u daljnjem tekstu: Kanton), koje provode infrastrukturne projekte koji će doprinijeti razvoju turizma.

**Član 3.**

(Sredstva za implementaciju)

Sredstva za implementaciju ove Odluke utvrđena su u Budžetu Unsko-sanskog kantona za 2025. godinu na razdjelu Ministarstva privrede na ekonomskom kodu 615100, razdjel 15, glava 01, potrošačka jedinica 0001, subanalitika FAS005, funkcija 0490 „Kapitalni grantovi drugim nivoima vlasti i fondovima-oblast turizma“ u iznosu od 700.000,00 KM (slovima: sedamstotinhiljadakonvertibilnihmaraka).

**Član 4.**

(Pravo učešća i namjena utroška sredstava)

- (1) Pravo učešća imaju gradovi/općine Unsko-sanskog kantona (u daljnjem tekstu: Kantona) za finansiranje/sufinansiranje infrastrukturnih projekata nabavke i postavljanja turističke i ostale signalizacije koji doprinose razvoju turizma gradova/općina.

- (2) Sredstva iz člana 3. ove Odluke namjenjena su za finansiranje/sufinansiranje infrastrukturnih projekata nabavke i postavljanja turističke i ostale signalizacije po Saobraćajnom projektu turističke i ostale signalizacije na području Unsko-sanskog kantona i predmjeru radova investitora Ministarstva privrede Unsko-sanskog kantona.
- (3) Sredstva se ne mogu dodjeljivati za završene projekte.

#### Član 5.

( Kriteriji za raspodjelu sredstava)

Raspodjela sredstava za projektne prijedloge gradova/općina za koje se utvrdi da ispunjavaju formalno-pravne uslove, da su blagovremeni, potpuni i osnovani, a za koje se ocijeni da će isti imati/dati značajniji doprinos razvoju gradova/općina, izvršiti se se na način da će prednost imaju:

- a) projektni prijedlozi gradova/općina koji se odnose na nabavku i postavljanja turističke i ostale signalizacije po Saobraćajnom projektu turističke i ostale signalizacije na području Unsko-sanskog kantona i predmjeru radova investitora Ministarstva privrede Unsko-sanskog kantona,
- b) projektni prijedlozi gradova/općina koji u skladu s Uredbom o izradi indeksa razvijenosti u Federaciji Bosne i Hercegovine („Službene novine Federacije BiH“, broj 17/19) spadaju u V grupu (izrazito nerazvijene), a u cilju osiguranja ravnomjernog razvoja Kantona.

#### Član 6.

(Prijava na Javni poziv)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti na web stranici Vlade Unsko-sanskog kantona (u daljnjem tekstu: Vlada Kantona): [www.vladausk.ba](http://www.vladausk.ba).
- (2) Podnosilac prijave prilikom prijave na Javni poziv obavezno dostavlja sljedeću dokumentaciju:
  - a) Popunjen, potpisan i ovjeren Prijavni obrazac (Aneks 1. Prijavni obrazac koji se preuzima sa web stranice Vlade Kantona [www.vladausk.ba](http://www.vladausk.ba));
  - b) Izjava o realizaciji projekta, potpisana i ovjerena od strane podnosioca prijave (Aneks 2. Izjava o realizaciji projekta preuzima se sa web stranice Vlade Kantona [www.vladausk.ba](http://www.vladausk.ba));
  - c) Ako postoji partner na projektu ili će dio sredstava biti obezbjeđen od drugih nivoa vlasti dostaviti dokaz o visini sredstava sa kojima će isti sufinansirati projekat (sporazum o saradnji ili ugovor ili izjavu). Izjava se dostavlja u originalu (potpisana i ovjerena od strane podnosioca prijave) i datum izjave ne smije biti stariji od tri mjeseca od dana objave Javnog poziva. Sporazum ili Ugovor se dostavlja u originalu ili ovjereoju kopiji i datum ovjere ugovora ili sporazuma ne smije biti stariji od tri mjeseca od dana objave Javnog poziva;
  - d) Kopija dokumenta iz kojeg je vidljiv broj transakcijskog računa na koji će se sredstva doznačiti (ugovor, karton deponovanih potpisa, potvrda).

## Član 7.

(Način podnošenja prijave)

- (1) Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

Ministarstvo privrede  
Ul. Alije Đerzeleza 2, 77 000 Bihać  
s naznakom:  
*Prijava po Javnom pozivu „Podrška gradovima/općinama sa pozicije Kapitalni grantovi drugim nivoima vlasti-oblast turizma“*  
*„NE OTVARAJ“*  
Na poledini koverta obavezno navesti naziv podnosioca prijave i adresu

- (2) Rok za podnošenje prijava je 15 dana od dana objave Javnog poziva.
- (3) Neće se uzeti u razmatranje prijave gradova/općina:
  - a) koje su neblagovremene (dostavljene nakon isteka roka određenog Javnim pozivom) i
  - b) čiji projekti nisu u skladu sa namjenom definisan članom 4. stav (2) ove Odluke.

## Član 8.

(Obrada prijava i raspodjela sredstava)

- (1) Za obradu prijava po Javnom pozivu za podnošenje prijava za finansiranje/sufinansiranje projekata iz Budžeta Unsko-sanskog kantona za 2025. godinu na razdjelu Ministarstva privrede sa pozicije Kapitalni grantovi drugim nivoima vlasti-oblast turizma ministar Ministarstva privrede (u daljnjem tekstu: ministar) Rješenjem imenuje Komisiju.
- (2) Komisija iz stava 1. ovog člana vrši analizu ispunjenosti formalno-pravnih uslova dostavljenih prijava u skladu sa ovom Odlukom i Javnim pozivom. U Izvještaju o provedenom postupku po Javnom pozivu koji se dostavlja ministru putem protokola Ministarstva navodi se:
  - a) lista Projektnih prijedloga gradova/općina Kantona koji ispunjavaju formalno-pravne uslove i
  - b) listu podnosilaca prijava čije su prijave neblagovremene, nepotpune i neosnovane.
- (3) Nakon dostavljenog Izvještaja Komisije iz stava (2) ovog člana, ministar utvrđuje konačnu listu uspješnih projekata za finansiranje/sufinansiranje. Ministar zadržava pravo konačnog odabira projektnih prijedloga za koje ocijeni da će imati/dati značajniji doprinos razvoju turizma lokalne zajednice, do utvrđene visine sredstava za implementaciju ove Odluke te dostavlja Vladi Kantona prijedlog Odluke o usvajanju Programa utroška sredstava Budžeta Unsko-sanskog kantona za 2025. godinu na razdjelu Ministarstva privrede sa pozicije Kapitalni grantovi drugim nivoima vlasti-oblast turizma, na donošenje.
- (4) Prijave dostavljene nakon isteka roka određenog Javnim pozivom gradovima/općinama Kantona vraćaju se neotvorene.
- (5) Podnosioci prijava čije su prijave nepotpune, neosnovane i čije prijave ne uđu u dalju proceduru, biće o tome pisanim putem obaviješteni.

- (6) Protiv obavijesti iz stava (5) ovog člana gradovi/općine mogu podnijeti prigovor Ministarstvu u roku od tri dana od dana prijema iste. O prigovoru odlučuje ministar. Odluka o prigovoru je konačna.
- (7) Po donošenju Odluke o usvajanju Programa utroška sredstava Budžeta Unsko-sanskog kantona za 2025. godinu na razdjelu Ministarstva privrede sa pozicije Kapitalni grantovi drugim nivoima-oblast turizma, ministar sa odabranim korisnicima zaključuje Ugovore o dodjeli sredstva, kojim se reguliše međusobna prava i obaveze.

#### Član 9.

(Ugovor o dodjeli sredstava i rok za implementaciju)

- (1) Ugovor o dodjeli sredstava (u daljnjem tekstu: Ugovor) sadrži: ugovorne strane, predmet i cilj Ugovora, odobreni iznos sredstava i doznačavanje, izvještaj o namjenskom utrošku sredstava, obaveze i odgovornosti ugovornih strana, trajanje i raskid Ugovora i ostale odredbe.
- (2) Rok za implementaciju projekta po potpisanom Ugovoru za korisnike sredstava iz stava (1) ovog člana je maksimalno 12 mjeseci od dana potpisivanja Ugovora.
- (3) Svako korištenje odobrenih sredstava suprotno namjenama utvrđenim članom 4. stavom (2) ove Odluke smatrat će se nenamjenskim utroškom.

#### Član 10.

(Izvjestavanje o utrošku sredstava)

- (1) Korisnici sredstava su dužni pravdati utrošak dodijeljenih sredstava Ministarstva predviđenih za realizaciju projekta. Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.
- (2) Pravdanje će se vršiti sa odgovarajućom dokumentacijom koja se dostavlja Ministarstvu:
  - a) izvještaj o utrošku finansijskih sredstava u kojem će hronološki biti objašnjen tok implementacije projekta potpisan i ovjeren od strane korisnika sredstava,
  - b) izjava gradonačelnika/načelnika o namjenskom utrošku sredstava ovjerena kod nadležnog gradskog/općinskog organa,
  - c) odobrenje za građenje za projekte za koje se aplicira (ovjerena kopija), osim za one projekte za koje u skladu sa Zakonom o prostornom uređenju i građenju („Službeni glasnik Unsko-sanskog kantona“, broj: 12/13, 3/16, 15/20, 10/22, 23/23, 7/24, 13/24 i 1/25) ovo odobrenje nije potrebno, u tom slučaju dostavlja se Izjava gradonačelnika/načelnika da u skladu sa Zakonom o prostornom uređenju i građenju nije potrebno odobrenje za građenje,
  - d) odluka o pokretanju postupka u skladu sa odredbama Zakona o javnim nabavkama (ovjerena kopija),
  - e) ugovor sa odabranim najpovoljnijim ponuđačem (ovjerena kopija),
  - f) privremene i okončane situacija (ovjerena kopija),
  - g) račune, u skladu sa privremenim i okončanom situacijom (ovjerena kopija),
  - h) kopija Izvoda iz banke na kojima su pored uplaćenih iznosa vidljivi dokumenti po kojima je plaćanje izvršeno.

- (3) Rok za dostavu izvještaja je *najkasnije 15 dana od dana isteka roka za implementaciju projekta, definisan članom 9. stav (2) ove Odluke.*
- (4) Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).
- (5) Ukoliko Korisnik sredstava ne dostavi Izvještaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava.
- (6) O utrošenim sredstvima po ovoj Odluci Ministarstvo će u skladu sa Odlukom o usvajanju programa utroška, a nakon dostavljanja Izvještaja o utrošku sredstava, izvijestiti Vladu Kantona.

#### Član 11.

(Poništenje Javnog poziva)

- (1) U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.
- (2) U slučaju nedostatka sredstva u Budžetu Kantona obustavlja se realizacija dodjele sredstava.
- (3) Ministarstvo ne snosi troškove nastale u vezi sa prijavom na Javni poziv.
- (4) Prispjela dokumentacija će se vratiti podnosiocima prijave samo na pismeni zahtjev u slučajevima utvrđenim u stavu (1) i stavu (2) ovog člana.

#### Član 12.

(Stupanje na snagu)

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-02-51-1094/2025  
Bihać, 19.9.2025. godine



